

武

夷

山

志

武夷山志卷之二十三

武夷董天工典齋編

集男勳

五言律詩

懷武夷山僧

唐僧貫休

萬叠仙山裏無緣見有緣
紅心蕉繞屋白額虎同禪
古木苔封菌深崖乳雜泉
終期還此去世事祇如然

懷武夷紅石子

常思紅石子獨自住山椒
窗外猩猩語爐中姹姹嬌
乳香諸洞滴地秀衆峯朝
曾見奇人說烟霞恨太遙

武夷山

宋楊億

靈岳標真牒孤峯入紫氛
藤蘿暗仙穴猿鳥駭人群
古栢千年在懸流萬壑分
漢壇秋辭駁曾祀武夷君

問明仲遊武夷日

劉子羣

兀兀聽涼雨開門雪漲川
獨行楓葉底秋與鴈行邊
老去無多事閒知有勝緣
何時縱仙舸我亦願周旋

泛舟武夷

林希逸

傍晚拏舟入身知在畫圖
石平疑削玉湍急見跳珠
仙跡廻環是峯各轉側
殊竹間人指點俱識有先儒

遊武夷

孟晉

昔聞仙子宅今幸過琳宮
溪曲三三水山環六六峯
翠雲

飛送雨白鶴舞凌風好景遊歸悅簫聲縹緲中

武夷卽事

林天瑞

長卿非慢世陶令已辭官解組投蓮社逢人戴鶻冠青天
不可問白髮若爲看偶遇壺正子皈心就大丹

武夷

趙時栗

千古武夷山來尋九轉丹雲封拜章石月洗步虛壇白玉
何勞煮丹霞自可餐未窮溪九曲賴有畫圖看

五曲

元徐和

平林山雨歇天柱眼中明峯合疑無路溪流忽有聲石門
秋月冷鐵笛野霜清松竹何人問蒼蒼萬古情

雪後舟泊武夷

明 藍 仁

泊舟青嶂下回首翠微間
殘雪孤村樹歸雲何處山
石門無犬吠松徑有僧還
書劍空漂泊泊山林未得閒

題九曲櫂歌圖

龍伯章

仙境由來異溪流九曲
清水從天上落舟向石間行
瀟灑一時興風流二子各翻思
舊遊處彷彿櫂歌聲

武夷紀遊

黃嘉賓

真境非人世平生夢見之
杖藜來獨晚冒雨看尤奇
九曲將窮處一春欲盡時
風塵吹客袂臨發又遲遲

峽口回望幔亭諸峯

劉 侃

春陰翻碧嶂花氣繞芳洲却望虹橋上蒼蒼雲木稠天蟠
九曲水山蠱五城樓何事秦皇使遙從海外求

自楚宦遊歸泛舟尋九曲之勝

林 命

尙繞三湘夢還爲九曲遊水從天上轉舟向鏡中浮春信
溪梅報晴光野霧收群仙知不遠鸞鶴卽峯頭

結山盟

陳 省

早步雲隨屐宵眠月近床峯竒如鬼削巖古有舟藏野竹
生蓬徑溪光上草堂閒來何所事薜荔剪衣裳

新霽入武夷

蘓茂相

長途淹積雨爽氣忽今朝勝具吾何減山靈或見招雲鬢

臨寶鏡芝蓋下虹橋親授長生藥森森白玉苗

武夷山

鄧元岳

東南形勝地俯仰見茲山窟宅竒如此仙靈杳不還草荒
丹竈冷雲護幔亭閒便欲凌風去虹橋不可攀

三入武夷紀遊二首

史繼偕

駐馬尋幽約山行一徑斜如何臨客路便自入仙家羽士
供來酒樵兒採得茶庭前雙桂樹茲已見三花
經壑雲仍在循欄薜更生童應看客慣鳥似同人鳴瑞靄
猶丹竈明霞自赤城便圖高枕卧隨意聽鸞笙

春暮遊武夷三首

曹學佺

小嶺登偏疾危橋度信遲
水耕欲動石亭掛寄生枝
谷口雲如故泉源竹屢移
風光應上代但說是秦時

歸舟半夜月寂寂萬年宮
兩岸欲深合前山如不通
寒星印沙白林火雜花紅
笑殺幔亭宴人間曲易終

峭壁不可越登攀費折旋
孰知接笋路即在隱屏前
石上松梯疊峯頭木碓懸
天游已自樂何必慕飛仙

武夷山居

藍智

嘉遯依巖穴清齋飯蕨薇
花源隨水入茅屋共雲歸
夜鼎芙蓉水秋山薜荔衣
沙頭雙白鳥知爾解忘機

遊武夷二首

宋應昌

一入神仙境，幽奇誰復過。
潺潺飛玉液，曲曲隱雲窩。
駢若來蓬島，槎疑出絳河。
桃源今在此，何爲武陵多。
仙人不可見，今且問仙遊。
冰繞層巒合，山迴碧玉流。
丹爐空古跡，架壑嘆虛舟。
自愧生涯薄，參同何處求。

丙夜再泛九曲五首

吳宗周

不盡前宵意，今宵復進舟。
仙凡來去別，溪月古今流。
倚櫂生寒靄，長歌起宿鷗。
莫論夷與險，拚到九溪頭。

水迴山便合，一曲一乾坤。
玉女雲鬟濕，仙舟夜壑存。
波心皆印月，峽口總爲門。
噉蔗同游侶，尋常安足論。

溪景看無極，山花總可憐。
天香風外度，丹嶂霧中懸。
漁火

沈波小蟾光貌扇，偏寥寥。事斷如在混茫前。
萬竹孤亭際，寒燈未掩門。天游明日事，水宿此中村。沙白
偏留月，灘洪不受諠。群真何許集，我是舊曾孫。
落落星辰渺，霞光百道流。犬雞田舍曙，原隰稻花秋。未遂
棲雲願，聊爲獵勝游。桃源存古洞，天意總悠悠。

遊武夷山三首

錢行道

欲駕鸞天中，起芙蓉掌上。開真人，駭鶴降神女，獻花來簾挂。
晴空雨濤轟，嵐月雷不瀆。過弱水，躡屩訪蓬萊。
蘚滑磴難梯，嵐深路易迷。隣响千尺笋，屈曲九迴溪。瑤草
眠青犢，珠林唱碧雞。仙家無旦暮，幾日自東西。

斜陽宜晚對飛翠滿崢嶸好鳥渾相識奇花莫辨各卧遊
曾入夢延覽重合情未即完婚嫁猶然愧向平

崇邑郊外望武夷

曹惟才

武夷好山水幾載夢魂間吏事總乘暇仙緣恰未慳溪光
環漾壁峯靄幻成瀾未到棲真處塵心已半刪

以武夷紀游諸作寄吳穉生

君學貫丘索堪作諸史臣名山漢篆古砂墨晉人新石笈
誰司鑰雲航此問津沾沾訂合社長醉武陵春

游武夷

勞堪

六六武夷峯峯頭翠萬重臺虛丹竈冷幔捲白雲封鐵笛

橫吹月天風度遠鐘儻逢洞空子携手跨飛龍

遊九曲

朱若玉

曲曲躡仙踪
溪環紫氣重
空壇懷控鶴
古洞欲投籠
瑤草吹輕袂
靈芝生短筇
亭亭倚天末
三十六芙蓉

遊五曲

林堯俞

隱屏山下路
精舍白雲窩
石古留苔藓
門閒長薜蘿
無人吹鐵笛
有客唱漁歌
孤棹乘流去
雲深奈別何

武夷二首

章袞

白浪翻丹壁
清風吹翠條
幽人頽漱玉
羽客善吹簫
王子來何暮
張仙去已遙
鹿門還落落
孤負紫芝苗

落日千巖靜孤峯半壁浮鳥鳴雙嶂合龍蟄一潭幽桂館
經年夢蓬萊此日游王維如可作泚筆共仙舟

重遊武夷寄贈

林 濂

勝槩舊登臨仙源復此尋未能謝塵網聊且散幽襟九曲
春潭綠千巖古木深何由借茂宰山水入鳴琴

遊武夷

林 煙

幾度覓仙踪幽人不可逢壇空餘漢祀松古頽秦封九曲
澗洞入千崖紫翠重何時結茅屋擬任最高峯

重遊武夷

沈明臣

九曲六移舟青山且卧遊嶂霞高可拾水月近誰收幽意

吾真得神仙不易求徒憐函有蛻毛竹使人愁

武夷絕遊

閔壽卿

芳鄰接瓊瑄高傍幔亭西人向中林隱舟從曲澗迷塵空
潛野馬谷曉報天鷄分付桃花瓣無令出此溪

武夷

楚和叔

九曲溪山勝三春花木新開操詩畫舫共載管絃人嘉賓
陳朱橘芳鮮膾紫鱗宴遊不覺遠斜日挂嶙峋

遊武夷

胡宗明

萍梗借仙侶乾坤此壯遊奇峯丹耀日幽水碧澄秋洞古
雲長濕林深靄不收權欹殿在耳靜聽意悠悠

重泛武夷遂窮九曲之勝

張于壘

洞庭猶未隔往還此間行雲影浮常碧波光淺亦清
諸峰皆異態一石或雙名倚棹逢松籟蕭蕭鼓吹聲

武夷卽事

藍澗

丹碧神工布乾坤此武夷虹橋事已杳精舍澤猶垂未極
觀瀾興何妨帶月遲歸來衣染露此後更勞思

送友人還武夷

黃景昉

裝束天然異囊中有幔雲客行因問字吾友雅談文未冷
消團扇何書寫練裙歸舟能爲我遣訊武夷君

鼓棹漫興四首

方以智

多年山有夢今日始逢君九曲乘秋水諸峯學夏雲草堂
遺額在丹竈借香薰定踏天遊頂從吾指掌分

白瀨穿三峽青萍插四圍大王丹捲幔玉女翠披衣壁鏤
藏橋板巖痕拂釣磯夕陽紅葉落坐看晚烟飛

奇山逢曠士呼喚不徒然高視雲千疊平收月一船鏡郎
連杜韞金谷有車錢誰爲安名字供人掃墨烟

陽朔江稍小梅川梯更多群峯皆拔地一葦許隨波劈斧
從今悟懸崖自古摩忽然雲蓋覆評者欲如何

遊武夷

張楫

玄岳開真境丹丘迴世塵只疑靈洞口別有避秦人雲氣

漸生晝花源不記春虹橋仍許度朱紱未淹身

寒夜入武夷止宿道家

崔崧

仙犬護幽磻林扃誰爲開竒峯高士館寒夜故人杯竹雪
冷猿夢松濤墮鳥毳可能呼月出長嘯共登臺

石鼓村渡溪入武夷

曹惟才

佳山夙所好渡口便忘餐竒態誰家畫清音何處彈石房
藏秘錄雲竇鍊真丹搜索千秋事寧將遊冶看

長安憶武夷二首

國朝鄭重

不少抽簪意猶遲躡屐綠闔山雖縹緲巖壑正纏綿自信
心如水誰能骨似仙虹橋如未斷縮地許相聯

紫陽名教地精舍跡猶新老我將尋樂同誰共問津至今
崇正學懷古溯前因道義文章事綢繆有碩人南豐楊君與予夙契
有期我南旋鼓吹
武夷之說故云

遊武夷二首

龐 堦

岸轉山門近樓臺結構雄欲窮九曲水先到萬年宮
靈蹟得曾有風光迥不同題牆憐故友嘆息意何窮
壁有潘稼堂題詩

漁艇朝初上籃輿亦自隨登峯強老力絕壑暢游思到眼
皆佳境題詩少妙詞磨崖留姓氏聊與後來知

遊武夷宿萬年宮

陳 銓

向晚忘歸處停橈古觀前危樓啣暮景宿鳥啜晴烟樹翳

山門迴巖高野殿偏半床雲霧裏掛對一燈懸

武夷偶詠

金蘭友

讀史披秦漢茲山歷幾年
老彭述道後河馬壯遊先
崩勞疑無地槎枒尚有舡
昔人難下筆何處問道詮

送草堂隱武夷

辛卯

王粹

先生真大隱脫屣視浮洛
堪羨摩雲鶴深漸出谷
鶯窩春山更麗避地水方清
一棹夷猶去談經繼夙盟

初春遊武夷

衷雲龍

策杖入山行關闕春鳥鳴
雪消苔蘚出風暖薜蘿生
泉聲開新響諸峯逼太清
一生幾兩屐因思古人情

題金井

邱光晉

石磴盤空入，忽然異衆明。
溪光飛鳥渡，野色過橋迎。
翠靄渾無語，嬌花故弄情。
流連羸片刻，樵唱兩三聲。

武夷春遊

衷集成

遊覽夷山勝，無峯不日斜。
晴巖長吐霧，晚壑浸流霞。
瑤草迎風舞，琪花襯景葩。
林柯忙採摘，新茗賽抽芽。

復古洞訪梓生上人

藍振剛

鐵板孤峯下，虛巖屋數間。
開窓惟白水，捲幔盡青山。
竹影茶烟細，松聲鶴夢閒。
斯游逢慧遠，如在虎溪還。

遊武夷

吳亦璘

一水環幽壑，紆迴借徑深。
曲橋通石塢，僧榻傍巖陰。
黛起山全染，雲歸樹半沉。
望臺高磊石，空曠好憑臨。

五曲

裏槐林

山深探未盡，且漾曲流澄。
竒到行無路，靈因說有仙。
悅函何纍纍，虹板自年年。
獨仰先賢蹟，千秋書院傳。

七言律詩

遊武夷山

朱劉子翬

回薄溪流漾翠岑，東風一舸縱幽尋。
幔亭落日笙簫斷，毛竹連雲洞府深。
似有碧雞翔木杪，誰將丹鶴寫巖陰。
神仙可學非身外，多少遊人浪苦心。

致中招原仲遊武夷却寄

病暑冠裳與體忘，一塵幽僻得深藏。
微風時度澗光活，殘日忽無山氣涼。
但想子綦方隱几，終慚南郭謾連床。
何時九曲尋幽事，船尾應須著漫郎。

武夷山中次韻趙清獻陰字詩

石磴雲房隱澗陰昔年清獻此清吟鳳池人物終難繼
花縣風流直到今三尺翠碑遺墨在一林寒竹暮烟深
平生景仰高名久敢負他時道愛心

同詹明誠傅茂元游晞真館有詩因次其韻

橘柚紅垂古觀秋歸途邂逅得尋幽晴莎散策隨山遠
夜月同舡信水流勝處無詩端可恨他時有酒更來遊
相陪二妙生平友老矣襟期共一丘

致中相拉遊武夷有六耳不同謀之語原仲和章意
似未平也因次原韻

年衰漸涸玉池津擬丐明牕一七塵底用趨風防六耳須

知對影已三人高情政喜追靈運飽學那容欠大椿右挈
左提俱有賴應憐懷抱久傾困

武夷紀遊

楊時

濃淡烟鬟半雨晴溪光初借晚霞明鰲頭湧出三峯秀天
漢融成一鑑清粉社有誰藏舊牒賓雲無處問遺聲幔亭
寂寞仙何在勾漏丹砂早晚成

寓居武夷

蔡元定

數間茅屋環流水布被黎羹飽煖餘不向利中生計較肯
於名上着工夫窓前野馬閑來徃天際浮雲自卷舒窮達
始知皆有命不妨隨分老樵漁

卜築五曲謁精舍

熊禾

當年衛道大賢功，人士今知有學宮。
自嘆升堂慚董子，豈無笑列議韓公。
儒風濟濟衣冠舊，世事茫茫塵網中。
我已結茅溪九曲，飛鳴尙許翹天風。

遊武夷

李綱

行行路近武夷山，秀氣蜿蜒百里間。
蒼石插天雲縹緲，碧溪通壑水彎環。
神仙恍惚誰能識，洞府深沉自不闕。
我向湖中如得路，便應脫屣謝塵寰。

武夷紀遊

林 岷

武夷山樹曉陰陰，無數長岑接短岑。
怪石月沈蒼虎立，老

松風起黑龍吟小舟洞口流泉急斜日溪邊落葉深我欲
幅巾携杖去數椽茅屋傍疎林

武夷紀遊

陳 襄

萬疊層巒接遠空瑞雲晴靄溶溶高於太華五千仞秀
出巫山十二重蕙帳曉寒孤鶴怨桃源春盡落花濃鳳鸞
一嘯最深處仙客樓臺何處逢

遊武夷

徐清叟

垂老征途出武夷高人應怪我來遲骨凡空想同亭會才
拙難廣信國詩流水三三宗海急高峯六六倚天竒漫遊
何日茲歸隱分與玄猿白鶴期

卷之二十一 七言律

武夷紀遊

葉夢鼎

重來襍被叩雲屏清夢先從九曲飛三十日前堅有約半
千里外較遲歸已呼漁艇安茶具更着羊裘伴羽衣洞裏
溪山煩指點若為仙竈若為磯

遊武夷

葉采

六六峯前碧玉流經行復此駐蘭舟喚回三紀神仙夢直
上九霄雲闕游但恐塵勞添白髮政須高舉訪丹丘歸來
世念如冰釋更取叅同讀幾周

泛舟

詹師文

九曲烟霞景若何移舟曲曲泛清波丹峯絕頂籠花木碧

洞當門掛薜蘿仙逕鶴翻松露下古潭龍蟄水雲多紫陽
去後閒風月獨向平林倚權歌

夏入武夷

范師孔

幾與溪山絕世緣重來猿鳥只依然懸崖野瀑飄成雪近
午嵐霏暗盡天水向未疏須認禹山如深入定逢仙中有
石鼎烹雲處此夜還來借榻眠

題武夷

杜本

天下名山此最奇溪潭澄徹路透迤塵埃滾滾終難到樓
閣重重未易窺况是高人能閱世儘多勝處可題詩十年
來往追尋遍似與山靈有夙期

遊山卽事

范心遠

路入清溪第二灣，東風猶自逗餘寒。
白雲粘地掃不去，黃葉戀枝吹未乾。
沙上濕痕誰涉水，天邊長嘯獨憑欄。
道人酒意無濃薄，飲盡携琴月下彈。

武夷山

蔭天錫

三十六峯飛翠寒，手携玉杖叩玄關。
神仙曾到有遺跡，天地已來無此山。
木杪樓臺浮海上，月中笙樂奏雲間。
天宮借得寧王笛，騎取蕭郎赤鳳還。

遊武夷

林錫翁

琴劍來遊冲佑宮，道人指引看仙蹤。
扁舟蕩漾三三水，

日廻還六六峯仙蛻有函丹竈冷洞天無鎖白雲封尋道
更覓桃源路回首雲山幾萬重

武夷留題

劉公孫

石洞秋風一咲歸水縈山合雨相持人言曲曲秋偏好我
爰峯峯雨更竒鐵笛不吹空有月幔亭同宴又何時天荒
地老無窮意未許青松白鶴知

憶武夷

孟惟誠

碧水長涵太古春丹山猶憶武夷君仙人樓閣層層石玉
女衣裳片片雲浮海靈槎巖上見懸崖機杼月中聞相傳
絕頂無人到漫有藤梯掛洞門

武夷謾興

王仲敬

丹碧煌煌倚天開，雲間宮闕直蓬萊。
武夷九曲勿深秘，遼鶴千載重歸來。
玉女修儀誇絕世，金鷄一唱驚九垓。
我惟移舟問大隱，神仙蛻骨同飛灰。

武夷春泛

余善同

武夷深處訪真仙，仙跡微茫不記年。
砍竹引泉歸藥圃，開籠放鶴下芝田。
百花庄外三杯石，九曲溪頭一線天。
總是春風行樂地，不妨載酒更移船。

舟泛九曲

徐仲達

楓葉蘆花兩岸秋，幔亭高影落中流。
乘舟偶託山陰興，泛

月何如赤壁遊野鶴不知天地老一尊都散古今愁此行
清絕憑誰記付與滄浪兩白鷗

遊武夷憇萬年宮作

王逸

九曲溪邊泊畫船探幽特訪武夷仙丹峯翠壁倚瓊樹自
石清泉生紫烟草閣夜深天似水琳宮春暖日如年文公
更有讀書室萬疊白雲護簡編

重遊武夷

王申伯

五載塵埃雪鬢侵停車又復此登臨溪聲洗淨是非耳山
色挽回名利心松翠不凋雲外老柳黃初變雨中深隱屏
仙子開皇極款乃清猷好重尋

遊武夷

徐廣

一葉輕舟九曲溇，隔山鐘磬杳沉沉。
溪流東去銀河瀉，仙氣西來紫霧深。
鐵笛一聲玄鶴醒，澄潭千尺白龍吟。
清時不羨登封事，漢時秦壇鎖夕陰。

遊武夷

貢師泰

蒼龍飛起崖中斷，九曲溪流直上天。
架壑舟船遺故物，幔亭簫管會真仙。
大王巖下雲初散，玉女峯前月正圓。
閒聽樵歌聲未已，忽看孤鶴下翩翩。

遊武夷

王翰

十月霜飛琪樹凋，溪迴九曲萬峯遙。
接圖不倩漁郎引，載

酒何煩玉女邀聽徽金雞醒鹿夢醉駢黃鶴止虹橋前殿
大隱多幽勝叢桂青青更可招

入武夷

毛玉因

折徑微通紫翠巖杖藜携酒亦欣然簷楹隱見雲中觀
峒高橫木杪烟畫鶴千年留石壁架船幾度見桑田溪流
漾出桃花片疑有秦時避世賢

入武夷

車東

一望昇真開野烟此行端是結仙緣步穿空翠雲生脚仰
看飛流雪滿肩控鶴不來春寂寂卧龍無底月娟娟飄然
便作乘風想不待丹成到九天

武夷

謝肇淛

一片丹山翠萬重寒流由曲榭芙蓉曾孫宴罷空留幔玉
女粧成幻作峯雲裏冰簾天畔雪月中鐵笛院前鐘茶芝
瑤草憑誰采笑駕青鸞問赤松

武夷答鍾僉憲

明藍仁

萬壑天清木葉乾早梅花發拂雕鞍霜隨使者觀風節月
過仙人禮斗壇鳳去絳雲簫韻遠龍歸滄海劍光寒石崖
俯見扶桑日一枕游仙夢未殘

寄武夷張郭二山人

天壺峯頂日月轉星渚橋畔雲烟垂青溪道士騎黃鶴白

髮老翁歌紫芝濁酒欲謀它日醉丹砂須作後天期塵埃
滿眼不歸去洞裡桃花空夢思

寄余復嬰鍊師居玉蟾丹室

湖海歸來挂一瓢玉蟾丹竈待重燒內經黃帝留針訣三
品神農辨藥苗楓葉漁舟波澹澹茶烟禪榻髮瀟瀟高秋
擬借峯頭鶴共爾吹笙向沃寥

虞張宗翰舟過武夷述懷

二首

丹霞白鶴洞仙宮絕頂當年避地同春雨磯頭憂巨浸夕
陽林下眩殘虹先機自合乘槎去投老方驚墮甕空九曲
權歌期再聽寄聲鷗鷺少從容

荒榛滿目故儒宮憶昔風雩樂趣同年代已隨川上水文
光無復斗間虹黃埃赤日遮平地高石層陰起半空昨暮
維舟西渡口濯纓猶勝抗塵容

武夷

葉俊

武夷山下萬年宮九曲溪頭一棹通流水落花尋古道平
林過雨見群峯幔亭人去雲連壑華表仙歸月滿松正好
相期間丹訣天風午夜客船東

題九曲櫂歌圖

林熙

武夷奇絕名天下詩客登臨感興多石壁雲霞開紫錦玉
清樓觀倚星河幔亭不復聞仙樂九曲誰能繼櫂歌猶有

紫陽遺構在隱屏千古立嵯峨

過武夷

偶桓

幔亭勝槩各天下馬首觀瞻數往還樓閣迴臨丹井上神
仙多在絳霄間石膚翠疊三姑袂峯頂雲堆玉女巖安得
歸來一洗耳清流九曲聽潺湲

泛舟入武夷至平林渡

林弼

十年三過武夷山翠壁丹崖嘆莫攀
茶竈烟消天地外權歌殺斷水雲間
虹橋未許秦王識鶴馭空隨漢使還
惟有溪源通泗水一泓千古對孱顏

登武夷山

趙麟

三十六峯秋氣清
翩然鸞鶴珮環般
客留明月山中宿
人在白雲天半行
溪路碧桃深九曲
洞天瑤草問雙成
神仙有約不可到
更擬重來話此生

遊武夷

夏原吉

觀風偶入武夷行
隨處登臨見物情
燒藥爐空無鶴守
讀書堂古有蟬鳴
烟光隱隱千峯碧
溪水盤盤九曲清
安得攀躋最高頂
相尋仙子學長生

武夷泛舟二首

嚴大年

秋香扶我過仙家
玉犬眠雲石徑斜
九曲溪山閒日月
萬年宮殿老烟霞
吟筇尚帶瑤階蘚
渡舫曾撐翠竹沙
回首

雲深何處覓洞簫吹落碧巖花

翠壁丹崖圖畫裏輕舟短棹水雲間不宗朱子元非學者
到武夷方是山竊祿自憐黃髮暮忘機空羨白鷗閒明朝
玉女峯前路臨水插花開笑顏

武夷

柯潛

叠叠青山面面分烟霞爲宇石爲門雲巖悅骨由秦漢苔
壁題詩盡宋元人世屢更新歲月仙家猶是舊乾坤黃冠
羽客垂垂老知是錢鏗幾葉孫

武夷謾詠

林萬潮

千里乘槎入武夷十年幽夢負安期獨攜避世盧敖杖來

詠游仙郭璞詩玉女峰頭秋月吐金鷄洞日旗雲移不須
萬丈飛霞頂控鶴人歸復幾時

雨泛九曲忽霽欣然成韻

黃懋官

雨過峯巒翠欲流風吹落葉碧潭秋棹迴溪曲通孤嶂樹
擁山堂出小舟白鶴青牛人已遠金龍玉簡跡還留分明
自有尋真路大藥何須海上求

舟中望武夷

周瑩

沙頭落日暫維舟咫尺名山負勝遊望裏雲霞高閣晚吟
邊烟月半溪秋仙人羽化何年去詞客詩名到處留多少
雅懷題不盡前程付與一登樓

遊武夷

王守仁

肩輿飛度萬峯雲回首滄波月下開
海上真爲蒼水使山中又遇武夷君
溪流九曲初諳路精舍千年始及門
稍待還家慰垂白細探更擬在春分

遊武夷宿冲佑觀偶作

鄭善夫

日落溪迴天柱陰峯前雲木正蕭森
古堂衾枕秋燈淨永夜風雷山雨深
漠北不聞麟鳳信海濱空寄蕨薇心
結廬欲擬南陽卧抱膝長歌梁父吟

重遊武夷

周宣

十年踪跡偶重尋遠色蒼然破曙陰
瑶草細添溪影淨紫

霞高擁洞門深玉笙不寫人間譜玄鶴能傳雲外心欲倚
舊吟還自咲懸知來者亦如今

武夷漫題

林大輅

不識虹橋路淺深幔亭天樂豈知音何年避世無烟火別
洞昇真祇橘林金鼎空調龍虎性滄洲終寄水雲心函中
仙說應憐汝日短荒烟生晝陰

再到武夷

林 炫

茅屋曾居憶此中自雲滿地紫苔封月明石洞花千樹鶴
舞瑤臺山萬重一去紅塵迷客路重來丹竈覓仙蹤道人
搖艇溪邊至載酒同尋六六峯

遊武夷

田賦

武夷山上有虹橋今日來遊半劫消仙骨未昇遺往跡玉
書空在記前朝氤氳雲氣千峯合宛轉溪流九曲遙讀罷
擣歌清興擁不勝詩思逼秋霄

興田道中望武夷

游璉

興田驛路人家遶烟火依稀出遠山蔗圃秧分疎雨外茶
烟人語亂雲間半生戀闕心空赤五馬之官鬢欲斑獨坐
肩輿懷正惡武夷遙望一開顏

九曲泛舟

聞人銓

天崖踪跡幾名山鹿苑鷺峯日往還山色獨憐溪上好風

尤真覺洞中間漁舟刺水坐來穩鶴馭梯雲去莫攀返照
入江樽欲罄不知九曲是人間

重遊武夷

鄭大同

五十年來三度遊洞天依舊枕丹丘秋山一帶浮烟薄曉
瀾雲隨曲水流采秀有人來藥圃尋源無路問漁舟斜陽
未倦探竒興猶借天遊一榻留

歲暮過武夷山地主邀予登眺不暇盃酌而去聊賦

二首 考其時蓋
聞警亟去

汪好

人間喜遇有丹丘歲暮相邀賦壯遊日麗諸峯添秀色雲
深九曲鎖寒流主賓漫擬東南美盃酒難消今古愁策馬

度溪仙路遠三更幕府待傳籌
素心久負碧山期客與扁舟問武夷犬吠白雲驚笑語馬
嘶落日閃旌旗峯頭玉女空相望劍外風塵祇自知此去
洞天還香絕桃花流水繫人思

重入武夷

黃灝

悠悠清興滿丹山八十餘齡幾度攀舟自天河探月窟身
從絳闕禮仙班亭前鐵籬風聲迴洞裏金龍雨色聞我是
曾孫曾與宴霞綃鶴髮尙朱顏

武夷秋泛

萬虞愷

何處名山樞勝遊武夷烟景故相留金雞報罷千巖曉鐵

笛吹殘九曲秋神女插花雲拂鏡仙翁倚棹壑懸舟紫陽
腕照澄潭淨欲向滄浪理釣鈎

遊武夷四首

徐中行

振衣秋色起嵯峨萬壑千崖一棹過峯落鏡中開洞府棧
浮樹杪出天河境遺五嶽登封晚海接三山秘檢多他日
掛冠經此地扣舷處處好高歌

扁舟載酒任逶迤路轉峯迴面面奇絕壑乍疑塵世隔澄
潭更與暮秋宜風吹簫管千山應濕帶藤蘿百尺垂寸載
武夷堪撫掌褰帷三過一題詩

檻外三峯列翠屏武夷絕頂此明庭溪通銀漢星辰濕山

礙高天日月停，尚有殘霞垂碧落。忽看孤隼破青冥，若非
閑尹占真氣，誰識東方是歲星。

陡壁雙開澗道幽，提携賦客泛清秋。平移鰲頂千峯立，倒
瀉銀河九折流。玉女飛來霞作障，仙人卧處石爲樓。共知
超覽天游盡，更躡虹梯到上頭。

三遊武夷

馬欵

曲曲溪流面面山，半搖空碧半烟鬟。懸崖隱樹雙梯險，深
院眠花一鶴閒。霞彩亂虹機散綺，墨痕經雨石成斑。姓名
自是無人識，舊壁題詩取次刪。

言遊武夷道中，撫景因憶往年尙賓呂君天台之約。

徐渭

巖壑千重路轉偏春陰漠漠帶炊烟倦投野店聊呼酒咲
問名山數舉鞭籠鳥對人喧曙色桃花臨水弄新年多情
忽憶天台約歸去應尋剡曲船

重遊武夷

詹仰庇

千巖萬壑共鬼竅松桂陰深曉雨過瑶草無人迷去蹟仙
槎有路泛明河行窮碧水飛塵遠轉盡丹山宿霧多未載
生還重到此臨風一醉漫狂歌

送顧山人遊武夷

汪道昆

爾從滄海杖青藜又向丹丘問紫芝雲散仙翁邀客處雨

來玉女洗粧時振衣空谷遙聞籟倚棹中流坐詠詩
慢亭成獨往好將瑤草寄相思

遊武夷

李得陽

窈窕尋幽歷翠微夷猶孤棹自忘歸青山爲我收靈雨碧
水憑誰挽落暉萬丈虹橋仙已去千年華表鶴還飛道人
本是忘機客欲向滄浪買釣磯

雨中遊武夷二首

葉向高

宴罷仙靈杳莫拔不堪風雨妒青山桃花忽入窮源去春
水重乘小艇還玉簡剝殘秦漢後鸞笙吹落有無間他年
更結尋真約乞得丹砂好駐顏

群峯朶朶吐青蓮，曲曲溪流帶曉烟。
每恨登臨多對雨，但逢山水即尋仙。
十年春草無游屐，三月桃花有絡蹄。
誰提諸道高會處，行雲玉女倍堪憐。

遊武夷

何喬遠

漢時秦壇不記年，游人還拜十三仙。
雲崖黃木猶餘窟，竇圃青芝何處田。
天上瓊芽栽玉露，人間落葉噪哀蟬。
巖亭峯頂橋雖斷，猶可歸來一刺船。

武夷四首

王士昌

九曲危峯九曲灣，勝游重此遂躋攀。
誰披造化寰中秘，幻出神奇海上山。
天半舟航嵐氣蝕，洞門神榻薜痕斑。
晴窗

夜靜聞虛籟疑是群真控鶴還

折筍孤撐一綫微樵青採藥過人稀
源深疑誤漁郎棹石立如支織女機
驚橫千盤凌日起虹橋百丈駕雲飛
雨餘空翠成涓滴半濕遊人薜荔衣

人間何處覓方壺清淺蓬萊事有無
瘞骨仙人金檢秘凌霄漢女玉顏孤
微茫幔捲山亭迥斷續雲迷洞壑殊
遠憶余家各勝地紫芝白石未荒蕪

草深丹竈冷無烟水面看山漫扣瓶
瀑瀉銀河珠錯落花開青嶂錦鮮妍
九華醞罷松枝老三秀餐餘石髓堅
自幸盧敖游興劇各區到處可隨緣

初入武夷

徐燭

道緣爲重世緣輕，總屬閒遊豈計程。
九曲仙班邀鶴馭，半空天樂奏鸞笙。
經旬絕粒拋烟吹，到處行歌變姓落多沙。
函中遺說在，不知若個是前生。

遊武夷四首

曹學佺

冲佑丹宮古萬年，松篁夾道暗秋烟。
尋三洛姓登仙籍，首二峯巒隱洞天。
控鶴巖前雲冉冉，投龍洞裡草芊芊。
我來重結丹真宅，地主難逢魏子羣。

丹正遺蹤不知年，方外尋真思渺然。
仙榻堂空塞撤局，御茶園廢竈無烟。
峯頭亂插虹橋板，渡口難移架壑船。
忽聽

玉笙散縹緲步虛已近大羅天

青山心賞未應違却爲攀躋是覓歸石筍亭亭天柱削雪
花漠漠水簾飛雲邊玉女臨粧鏡溪上漁郎隱釣磯千載
登臺訪遺跡魏王此地舊更衣

烟霞來往任閒身訪道探玄自有鄰竈煖雲窩陳處士劍
寒風洞白真人依依橘院堪歸隱汎汎桃源好問津絳節
飄颻天樂響玉皇殿下列稱臣

題武夷

江維楨

東風幾泛九溪船漫向人間覓洞天魚鳥久忘秦歲月烟
霞猶護漢山川乘龍人去雲蹤杳控鶴誰傳月馭旋彩輿

峯頭天柱頂何時重侍列仙筵

寄懷九溪漁父

江騰鯉

九溪深處似嚴灘
渺渺風塵白眼看
葉艇每隨幽嶂出
荻房孤掩落花殘
芙蓉衣止雲千片
楊柳磯頭月一竿
釣罷瓦餅曾共醉
滿身冷露不知寒

懷僧病雲

衲衣曾禮武夷君
偶爾相逢曲水濱
買島逃禪終愛酒
維摩卧病只因雲
寒潭一鑑搖秋色
落葉千秋鏤夕塵
天外故人吟有句
月明好入定中聞

劉道人曲水

鏡筓溪頭夜落梅絕憐塵慮冷如灰
一生國意非詩句幾度牆頭過酒酷潦倒拚成山水癖
迂疎一任暑寒催生平雅有誰同調
相訪多從月下回

九曲泛溪

曹惟才

峽裡移舟勢絕竒
隨灣指點聽舟師
橫頭日落紅沉玉
水面山來青列眉
應接不遑盧子杖
逶迤到處郭家詩
好山不慮無錢買
但得游時却是宜

武夷謾咏

楚和叔

不着荷衣不着巾
浪遊長嘯謝風塵
隨時花鳥入新句
到處雲山總舊鄰
潦倒三朝逢聖主
歸來九曲訪仙真
溪邊

落日移孤權 還向漁郎一問津

九曲晴泛

江山

宿雨初收水繞灘 輕舟棹入九溪灣
層層曉樹浮蒼靄 曲曲晴峯擁翠鬟
人立斷崖知有路 雲堆深谷似無山
一聲長嘯壺天杳 疑是游仙跨鶴還

止宿武夷

烟霞臺觀晚冥冥 天柱峯前道士迎
石鼎傳香烹玉茗 絳紗籠燭照銀屏
風吹古洞藤千尺 月滿層樓鶴一聲
倦倚繩床清夢好 夜深蝴蝶繞蓬瀛

同林守一李元仲林君若陳英子洪尊光鄭牧仲游

武夷四首

甲申出山作

黃道周

一再經過好下車，鷄盟深創到枯魚。
懶將殘夢酬新菊，悔不肩雲註舊書。
世外星辰輕作客，山前猿鶴老愁予。
不知晉魏飄零後，多少高人此卜居。

石樓曲折紫崖陰，見爾長懸綺皓心。
未必琪花生鐵嶂，果然芝草似危岑。
闕將真氣防來鑿，撲得樵風老不禁。
從此便超俗士駕，故山石笋細蕭森。

溪雲太瘦石泉癯，閒却溪叟老釣徒。
瓊榻不爲高士下，紫囷可有素書無。
林間鹿起三珠樹，竈下人通五嶽圖。
最憶嚴灘灘上路，羊裘藉草共樵蘇。

簾洞雲深溯未從輕舟波駛失從容三生嶺外無多逕石
鼓崖前又數峯鶴爪擘窠分水脉魚鱗着樹上油松日斜
欲出裴村路媿聽幔亭子夜鐘

甲申冬同洪尊光林守一鄭牧仲林君若侍黃漳浦

師於武夷次韻送行三首

李世熊

鳧子騎烟破翠微絮雲零亂擁峯肥疾輪過影踉無地一
足跨行天有機掛壁定猿如學道遊空夢鳥辨誰非碧香
振響家常事豈藉車輪決俗圍

功成留鄴好相從一笑桃花駐舊容但不誤人完萬行何
爲訶佛住孤峯久知天罅須銘石未到霜零豈識松揮指

袖寒暹納手鷄殼覺枕愕聞鐘

雨花屑玉落紛紛一席星辰渙小群
獄瀆不隨人聚散泥淵何敢漫離分
窳賓咽水絲能語岷蜀移山鐘已聞
但祝地天如好友川巖從此淳風雲

賦得一路看山到武夷送周元亮先生入閩

黎士弘

畫書載去筍輿輕半踏風烟入鳥程
細路能生情曲折遙峯屢費夢逢迎
十洲手著傳圖史萬壑身先待主盟
人與靈山高異並幔亭雲爲使君生

初入武夷二首

張堯政

人間何處可尋仙，暫息羣塵叩洞天。
歷數碧流紆九折，直窮丹巘迴孤筵。
峯頭琪草函真說，津口桃花引釣船。
異日誅邪還此地，願從太姥乞玄詮。

層巒如畫刺天青，衆壑奔流儼建瓴。
弄影冰禽嬌自語，飄風漁笛遠堪聽。
堂開三友人何處，館憩游仙夢未醒。
卽此淒真堪解脫，神仙何必更揚舲。

再入武夷二首

屐仿東山恣勝游，高情立對此丹丘。
瀑聲忽送千峯雨，雲氣常陰萬木秋。
漢碣蘿函封禪古，秦壇苔鏤篆文留。
遙看風露平分處，雞犬桑麻興復悠。

磴入蘼蘿一徑斜，紫崖丹壁老烟霞。
長松閒滴寒林露，古澗時芳野藻花。
名利繇來隨逐浪，雲山到處可停車。
何當卜築千峯裏，洞口桃花第幾家。

同錢飲光李磊英入武夷

方以智

扁舟一筆老來同，天地藏身託畫工。
出世相逢黃葉裡，有人先住碧雲中。
信知巖壑非凡骨，且拾滄洲入藥籠。
對面寫成歌孽節，何須雀躍問鴻濛。

孟冬同無可禪師李磊英居士遊武夷山

無可方太史以智磊

英卽鍾鼎也

錢秉鐙

萬年宮外後初齊，緩權言窮九曲溪。
雲散曉風嬌玉女，日

窺仙洞伏金鷄荒亭幔撤稀聞宴絕壁虹收尙可梯
顯是仙人親指點花源深處不愁迷

碧樹霜餘半嶺紅冬晴乘興遠公同懸崖躡壁攀真憤淺
水浮槎去僅通題句可遭遊宦客辨訛須問住山翁大師
選勝思栖隱勸我休心老此中

聞到天遊客罷遊果然此踞最高頭方知曲曲山迴轉合
使峯峯水抱流丹碧藪中通佑舶烟雲破處墾田疇權欲
不向前途去一覽臺邊已盡收

更衣臺對隱屏尊山水周旋勝地存龍起偏嗔書有院茶

荒不改御爲園

文公書院爲龍所毀舊有御茶園

道人霞上呼雞犬通客

雲中課子孫見說溪源田可種携家直擬住星村

重遊武夷二首

方一蘭

三年重入武夷山翠壁丹崖縹緲閒笑指仙船上架鸞
看玉女鬟邊斑空潭露冷白雲去皓石月高立鶴還倚棹
渾如圖畫裏濯纓直沂碧潺湲

桃花誰道武陵深玉洞仙峯此日臨趨走每愁逐鹿客沉
淪且慰采芝心一簑烟落釣臺古雙笛風飄石鼓陰不盡
題詩巖外景天游策杖漫追尋

山中漫題

周千秋

不慣逢迎睡莫醒四時花下戶長扃懸巖枯樹寒猿叫路

繞罡風過虎腥掛壁月痕山寂寂窺籬渾影水溟溟上方
百八鐘磬動數到窮時起誦經

武夷

倪人瑞

武夷架壑有仙舟我欲從之尋遠愁危石斷連藤接路寒
泉淒冷夏疑秋封承漢祀兼秦籙人雜高僧并羽流最是
昔賢心目曠萬峯橫處疊烟樓

借友讀書四曲卽事

虞瑜

日接名山氣暫幽素心同共亦何求竒情奔放先臨水古
木蕭疎更感秋興到不妨遲月卧坐餘時許看雲沈尋常
課法難相律設別仙凡詠莫愁

武夷紀遊

王湖

百尺飛梯倚碧霄，仍穿蹬道徹岩堯。
曾系綵幔雙龍結，羽客金丹九轉燒。
五岳更拚游汗漫，北溟何用託逍遙。
步虛擬譜朝元曲，招共青童品洞簫。

武夷道中賦贈李去華

錢繼登

丹山盡處見衡門，云有今之靜者存。
欲使文章風秀曠，不交流俗道孤尊。
著書卒歲名新語，仗劍投人感舊恩。
我輩定交原自別，路傍執手不須溫。

遊武夷

徐遠

睡龍直洞鎖烟霞，仙犬花津吠客楂。
婉婉珠流迴玉篆，噴

岷雲崑削丹葩生，將靈運王維手。乞取桃源石戶家，畫卷詩飄朝暮抱。幽奇歸向越儂誇。

武夷漫興

金應龍

竹杖芒鞋得意遊，丹山碧水倩詩酬。鏡臺光照千峯曙，風洞寒生六月秋。松外鶴聲孤客夢，月中簑影一漁舟。欲知仙學非虛幻，真蛻今猶坐石頭。

武夷紀遊

胡維霖

雲結玄關繞百盤，風颭露竹翠千竿。問津客乞胡麻餌，採藥人尋石髓餐。猶有乾魚傳漢祀，更無蚪蚪識秦壇。長生欲向高真問，慚媿風塵未掛冠。

徐興公欲卜居武夷詩以贈之

張子學

六六之間有夙因，幔亭遲爾結爲憐。
五千言就非常道，十二仙班降後身。
在澗在阿隨去住，一瓢一粒佐清真。
莫忘此日尋源興，孤負桃花片片春。

仲春遊武夷

柯元芳

先春香爨煇山容，剗碧摩蒼圖畫中。
漫道公餘蓬憲節，好乘逸興訪仙踪。
有聲欲靜三三水，無勢不奇六六峯。
我亦將尋修悟處，隔巖指點淡雲龍。

秋日陪直指鯢淵張公遊武夷

錢震瀧

選勝誰云鮮，應求采真一枕已全收。
竭來尙憶當年事，乘

興仍銷此日愁，賸有芒鞋耐接筍。慚無好句答天遊，况陪
霜斧經行處。林壑風生萬木秋。

崇安公署懷武夷二首

邵文彪

屈指遊蹤二十年，芒屨初擬武夷巔。似臨佳境嘗留屐，若
箇名山不結緣。兩岸松筠封去路，一溪風雨鎖寒蟬。却嫌
攬勝仍增憶，斗柄徒移牛女懸。

武夷入夢幾經秋，手執新編且卧遊。露蛻已知隨羽化，閨
雲應共此山留。水簾自卷晴巖雨，絕壑空藏駐楫舟。谷口
來鞍停幾許，肯餘山水意悠悠。

武夷

馮豹蔚

山結青葱水結紋洞門霞障晝氤氳見來墜薜低垂露看
去竒峯高入雲控鶴人歸溪自冷卧龍潭靜日初曛丹砂
豈必傳勾漏於此相從訪隱君

武夷卽事

彭維氏

銀榜珠宮逕透迤乾魚頰祀是何時賓雲無復曾孫宴禱
雨猶傳仙子詩水面桃花流片片風前毛竹舞猗猗溪山
幾閱游人老擬向峯頭餌紫芝

遊武夷

國朝潘珠

曲水團峯似碧蓮迷離樹色乍生烟幔亭醉月猶餘地接
笋梯雲可問天風送林中新牧笛雨留巖下老漁船近來

蠟得遊山屐百丈磯頭看瀑懸

遊武夷山二首

劉子偉

花明九曲映清流鳥弄笙篁傍小舟
遠岫層層開紫閣輕烟冉冉護丹丘
金雞洞杳乘雲度玉女峯高跨鶴遊
欲上幔亭尋勝蹟壑舡虹板爲誰留

纔從越嶠賦登樓又向各山汗漫遊
載酒看花聽杜宇論詩說劍吼吳鉤
羣峯遠抱三姑立衆壑斜通九曲流
偶過琳宮時一顧生香逸韻更難酬

武夷羽人出王遠菴先生新韻見示

武夷山

彭演

杖底層巖陡壑侵大王峯色尙陰陰
烟雲未闕鴻濛氣水

石堪紆冷淡心九曲清音消日暮千年勝跡閱升沉相傳
舊是神仙窟惆悵吾家不可尋

赴潭陽任道過武夷山

李輔寅

武夷形勝夙聞奇便道之官一覽知山似芙蓉插霄漢溪
如爪蔓繞壑屢恍聞鐵笛吹初罷笑問金鷄鳴幾時清絕
源頭來活水瓣香一拜紫陽祠

望武夷山

魏麟徵

武夷突兀入雲端漢代曾傳有祀壇誰御天風吹鐵笛或
採海日浴金丸仙舟尚說藏丹壑精舍遙聞帶碧湍不到
山中奇絕處蒼茫只似畫圖看

泛舟至六曲登天遊閣

丁灝

曲曲溪流碧玉環，停橈躡屩一躋攀。
閣當水繞山蟠處，人立天光雲影間。
俯見檻前羅翠黛，遙聞樹杪響潺湲。
入林倘遂平生願，泉石烟霞日閉關。

遊武夷

劉各班

溪南溪北景皆妍，一水中分却九璇。
徑暗有雲常曳地，巖高無樹不參天。
登山幾欲同韓泣，遇石何曾作米顛。
惆悵煉丹人去後，空遺藥鼎篆苔錢。

遊武夷二首

湯永寬

一入茲山衆木蒼，洞天今古表南方。
凝眸勝地思何極，回

首真人跡已荒安得虹橋通咫尺縱存香鼎付尋常萬年
祝聖從前事金簡還瞻盛世長

欲追丹竈沒蒿萊控鶴餘踪盡染埃誰煮龍芽留客坐我
尋鷲嶺及時開

時余急往
虎嘯禪林

猶能濟勝非無力獨愧登高不

是才幸有張仙苗裔在

時與張懷一
鍊師同遊

指南爲導箇中來

萬年宮值雪張煉師招飲橘隱堂

倪捷

連朝雨赴煉師約最愛交情似酒濃辟穀有方還一醉燒
丹何術便成功

張真人
在座

閒宜試茗梅花下忘却敲棋橘隱
中策蹇又從溪上望幔亭殘雪見青峯

遊武夷

劉秉鎬

白雲深處淨無塵，布襪青鞋一問津。
十里清流通宛轉，千尋列岫盡嶙峋。
宮中玉簡猶傳宋，洞口桃花亦避秦。
莫道幔亭簫鼓歇，天風遺籟入松筠。

遊武夷山

陸廷燦

望中名勝乍躋攀，俗吏塵襟覺頓刪。
水曲三三歸萬壑，峯奇六六傲千山。
松雲曉護金雞洞，花雨晴開玉女顏。
指點仙跡隨處是，恣採還待放衙門。

武夷茶

桑苧經傳孰見聞，彈琴喜傍武夷君。
輕濤松下烹溪月，舍露梅邊煮嶺雲。
醒睡功資宵判牒，清神雅助晝論文。
春雷

催出仙巖笋雀舌龍團取次分

重遊復古洞

邱華嶽

緩扶藜杖磴層層最愛名山最愛僧得品茶香湯已減重
吟詩好興猶增高低水樹雲無定濃淡峯巒畫不能試問
丹霞燒木佛寒巖煖氣幾時騰

辛丑偕懷弟君可遊武夷四首

何瀚

快同予季縱遊觀山水幽竒繪畫難沙斤兩開分洞壑竹
篙一轉變峯巒虹橋再渡仙舟朽龍脊凌虛客胆寒高閣
憑欄舒勝覽由來居易夢魂安

竒巖怪石競相迎鬼斧神斤削不成西幄雲隨東幄散南

溪月渡北溪明竹籊簞笠空塵氣野斂村醪寫至情惆悵
幔亭仙曲寂山頭何處望吹笙

紫陽精舍隱屏開霧白霞蒼五曲隈憂世斯人怎不出讀
書如我曷能來波隨溪轉流胡底石傍雲飛勢欲頽大業
名山無限事浪遊未肯學仙回

携來長枕卧烟霞眼界翛然脫物華淺水有人皆駕筏深
山無地不栽茶峯頭秋露神仙井溪尾春風賈客家却喜
龍團今罷貢巖疆各產補桑麻

庚辰夏同施潯江觀察遊武夷中奢鋪望大王峯口

占

戴廷棟

尚隔名山十里遙萬峯叢裏見岩萋紫雲籠日懸丹嶂青
藹凝烟倚碧霄縹渺幔亭通御座依稀仙路架虹橋直須
躡屣登高頂夜聽瑤池響鐵簫

遊武夷宮

塵寰何處覓仙蹤九曲溪頭六六峯鐵笛無聲人寂寂玉
華有路草茸茸雲封架壑歸鶴烟鎖危磯隱卧龍我願
息韃依止止肯分半席作茶傭

武夷山志卷之二十三終

武夷山志卷之二十四

武夷董天工典齋編集男勅校列

五言絕句

武夷

唐徐凝

武夷無上路毛徑不通風欲共麻姑住仙城半在空

武夷偶題

明錢嘯

峭壁蒼溪上桃源自一村幔亭人去後芳躅萬年存

廻櫂

劉侃

峽折峯全削風迴瀑盡飛山光併水色載得一船歸

咏武夷二首

邱其智

溪上群峯列松間一逕微林深行不盡雲懶坐忘歸
鳥道梯危磴茅菴隱翠微洞門常不開野鶴自知歸

看山絕句二首

江騰鱗

非山亦非石秀發不可測六六玉芙蓉亭亭弄秋色
誰染丹青筆亂向溪邊灑茵蔯倚雲開欲駕虹橋採
山中偶咏

徐表然

寄興武夷遊春深翠欲浮忘機花塢外山鳥數聲幽

咏武夷

張祥

六六形爲偶三三數見奇分明天地象不必問庖犧

武夷紀遊五首

張于壘

石角問樵夫，鳥道從茲去。中有化人居，只在雞鳴處。
菖蒲皆九節，靈芝常五色。仙藥遍地生，此中人不識。
平田分上下，牧笛竹相隨。同村不相識，日暮各自歸。
行行深又深，仰視蒼冥小。不但絕人蹤，更覺無啼鳥。
桃實滿路岐，紅盡向南枝。不必逢仙人，食之也不飢。

出山遊武夷三首

董應舉

俯視雲鳥低，仰見日月側。石磬下青冥，千山飛翠色。
四日巖際眠，半生夢中境。却羨深山人，不識深山靜。
此山已三游，初如不相識。不是境難窮，匆匆無所得。

伯敬畫武夷一景小詩二首題之

譚元春

他山宜畫水武夷宜畫石武夷溪水深不少空天碧
藏自冰心人入君玉潤手半天欲玉光先被溪山有

送家草堂隱武夷四絕句

國朝 王奕駒

武夷石孤潔今古無點塵有道能高隱差堪作主人
武夷趣甚幽先賢卜其宅草堂一逕開吾道增光澤
三十六峯青烟霞朝夕秀德鄰萬古香日月在宇宙
先生向余言耦耕桃源土樹下話黃農絕不驚風雨

武夷四時

王復禮

山中何所有端月看桃花勝地春先到千林一片霞
山中何所有無價是松風消盡人間暑塵勞那得逢

山中何所有素女設丹青錦幃千峯滿休誇一幔亭
山中何所有十月已梅開白雪漫天去香風特地來

六言絕句

武夷雜咏

明勞堪

石落閑花誰掃紫芝仙客已老琳宮細雨淡烟丹竈斜陽
暮艸

橋上虹光弄影樓前嵐色如黛金函玉檢何時流水白雲
自在

紫陽去後圖書猶在山陰溪曲白月一川啼鳥光風數椽
茆屋

又

徐表然

曲水溪頭宜釣白雲深處可家試問功名富貴何如泉石
煙霞

又

傅汝舟

屋倚九天丹壁門垂千丈珠簾卧取山中富貴野懷猶愧
傷廉

又

楚和叔

五丁鑿開石室六甲呵獲山屏齋罷鳥隨香散夢回鶴帶
雲歸

石竇雲鋪鳥道山梁寒跨籠秋三館裁書枕藉五嶽披圍

卧遊

海上鳳麟洲
渚雲中鷄犬人家元圃叢生辟芷香泉流出
胡麻

頗察地輿頗異仰忝天宇原同新月如鈞懸象祥烟作篆
書空

又

國朝 李鍾鼎

樵伴山歌鳥和荔裳石罍藤鈎拾得枯枝一束歸來危徑
三休

又

王復禮

樓外溪流九曲階前樹色千重鈎雪難追漁父鋤雲甘作

花農

柳綠桃紅遶屋山
清水秀臨門
小李畫成金碧
大姑繡出乾坤

溪自千流匯聚舟
從萬石穿行
宛是人間瑤島
何須海外逢瀛

洞辟何如白鹿谷
深恍似青牛
三餘閉戶宜讀
九曲乘桴可遊

報夏山頭新綠留
春水面殘紅
堪嗤佞佛蕪
靴不學求仙葛洪

門小却慚通德山
荒有愧棲賢
尋師訪友商
隱守道安貧

樂天

白石已堅夙約丹崖不敢寒盟有心尙論千古無力相隨
耦耕

雙徑悉垂鳳屋三餐常供龍鬚野老欲敦夙好山居不逐
時趨

宿白雲山房二首

張景蒼

巖畔老梅萬樹澗邊翠竹千竿
紆迴直上峯頂是處溪山
可看

九曲洶藏深處烟雲變幻多奇口只恐山靈笑我緣何結伴
來遲

武夷山志

卷之二十四

詩

六言絕

五

七言絕句

題武夷

唐
李商隱

只得流霞泛一盃
空中簫鼓當時回
武夷洞裏生毛竹
老盡曾孫更不來

劉子澄遠寄羊裘且有懷仁輔義之語戲成兩絕爲

謝以發千里一笑

宋
朱熹

短棹長簑九曲灘
晚來閑弄釣魚竿
幾回欲過前灣去
却怕斜風特地寒

誰把羊裘與醉披
故人心事不相違
狂奴今夜知何處
月冷風淒未肯歸

出山道中口占

川源紅綠一時新
暮雨朝晴更可人
書冊埋頭無了日
不如拋却去尋春

題武夷五首

宋白玉蟾

不見虹橋接幔亭
空餘水綠與山青
客來剔出些奇勝
五曲溪頭大隱屏

龍驤仙掌巖頭水
鶴唳幔亭峯上雲
但得明窓塵一七
躍身去謁武夷君

芳草暗分流水綠
老松剗借老山青
獨拈鐵笛溪頭立
吹與洞中仙子聽

顯達直人去不回
幔亭不見舊樓臺
曾孫倚着寒松立
日
落風悲猿自哀

山聳千層青翡翠
溪流萬頃碧琉璃
遊人來此醉歸去
幾
箇親曾到武夷

武夷有感十首

春

雨霽烟凝正夕陽
子規啼斷幾人腸
東風不動夢情思
每
限落花春自香

夏

鶯喚綠楊抽嫩葉
蝶催碧藕發新花
颯然一點薰風至
日

落前山噪亂鴉

秋

雨餘秋蘚幾堆錦
日出朝葵千簇金
對景造然發清嘯
野猿驚泣綠陽深

冬

幾尺雪藏山徑暮
一枝梅簇洞門春
溪頭昨夜冰寒綠
風捲彤雲發曉嗔

曉

風吹萬木醒棲鵲
月落西山啼斷猿
雲捲翠微深處寺
一磬鐘落碧巖前

暮

碧雲紅樹晚相聞
落日亂鴉天欲昏
人去採芝不知返
草廬空自掩柴門

行

雨脚初收起暮烟
芒鞋竹杖翠雲邊
東風解發陽春意
放出落花啼鳥天

住

月冷風清三徑竹
猿啼鶴唳一窓雲
開門放入前山翠
試把星兒栢子焚

坐

詩集卷之三十一
七言絕
千山猿叫月如晝萬籟風號天正秋霧濕蒼苔烟漠漠白雲飛夢過瀛洲

卧

巖下烟深人不來白雲寂寂掩蒼苔松花落地鳥般寂一枕清風送夢回

草衣仙 乱題 八首

贈友

君愛龍蛇我愛茶偶然乘興到君家
郎官巖下重携手留此詩箋當剪霞

海棠

海棠吟就更何如我愧人間女校書不敢臨風題好句書
堂春暖百香餘

春分

三春花鳥此朝分偶到人間細論文香茗對君情自永乾
坤從古一氤氳

訪蓬壺主人

放鶴春郊歸去來書堂人去自徘徊揮毫更覓神龜侶笑
入青山柳外臺

悟源

卧向東山日正東麻衣沉醉笑東風人間多少濠龐事不

向仙源識舊蹤

又句

倦起春風不自由
道人半醉問滄洲
曾經劫外花多少
漫爛何心到九秋

春思

柳色晴明正弄風
垂系片片舞新容
道試勿作虹橋想
願逐飛花流向東

夜吟

紅花落徑不開門
寄語東風醉使歸
剪燭西窗明月上
教人何處不消魂

廣仙凡題 八首

醉中憶別

我冒高陽一酒徒
溟南縱飲不須沽
醉中忽聽花朝到
兩步翻來見小壺

即景

山自青青水自波
數聲黃鳥與雲和
穿來一領荷衣破
猶向爐頭對酒歌

武夷回句

相將攜手入烟霞
帶醉春風杜宇家
一咲乾坤渾不識
杖頭挑得滿山花

醉詞

酒到神仙不論錢
杖頭分與幾多烟
將烟吹向爐前去
兩眼迷離咲碧天

秋海棠

一種清芳見海棠
臨風映日可人粧
正宜酒伴杯中趣
生怕淋漓欲斷腸

閉句

乘槎却向武夷來
高閣臨流霽色開
愧我豪狂春欲盡
丹青何處似蓬萊

卽事

最不近情三月雨偏饒清興兩杯茶知心半是窓前葉滴
瀝聲敲似暮笳

卽景

亂飛簾外垂系雨乍見峯巒幾處晴心朗應如秋水淨當
風瀝瀝聽箏鳴

題畫

李綱

清氣盤迴作武夷峯巒窅窅白雲飛重來未了平生願一
幅輕綃畫得歸

題武夷

翁彥約

濯濯清溪九曲流一天風露萬山秋嘯歌不似人間世月

檻雲窓待地幽

武夷三首

辛棄疾

見說仙人此避秦
愛隨流水一溪雲
花開花落無尋處
彷彿吹簫月下聞

山中有客帝王師
日日吟詩坐釣磯
費盡烟霞供不足
幾時西伯載將歸

行盡桑麻九曲天
更尋佳處可留連
而今歸棹如擲箭
不似來時上水船

初入武夷

陸游

未到名山夢已新
千峯拔地玉嶙峋
黃亭一夜風吹雨
似

與遊人洗俗塵

咏武夷

劉學箕

三十六峯高插天，雲深何處見飛仙。
幔亭舊事隨流水，空向溪頭喚釣船。

題武夷

方岳

鶴怨空山久，勒文買舟又。訪武夷君，一聲鐵笛不知處。但覺滿身生白雲。
此詩勒於小九曲石壁

武夷

杜本

武夷從昔有仙君，脫骨層巖上白雲。
獨是權歌遺響在，誰人能向夜深聞。

讀虞伯生萬年宮碑記

經世文章寄廟臺，
烟光更比洞天高。
仙靈應是頻呵護，
表有立裳下九臯。

武夷漫興

陳君從

曲奏賓雲久不開，
尙傳石髓滿汗樽。
虹橋宴罷仙童報，
昨夜松園鶴有孫。

宿武夷山中

陳平仲

瓊樓寶殿露華涼，
淡月疎星松檜香。
一榻南窗清夢覺，
忽聽巖下水浪浪。

武夷漫題二首

薩天錫

幔亭峯頂秋無價紅白芙蓉滿洞開喚取漁船遊九曲載
將白鶴渡溪來

大隱屏前小隱居竹房雪屋聽猿呼丹光出谷明如月夜
讀離騷擁地鑪

武夷山居

彭日隆

兩肩如雪照平川歌罷香雲滿玉田桂樹西風山月白
瓢黃露晞秋天

月夜泛舟

余嘉賓

蒼玉屏風九曲流蒲船絲竹載清秋更隨明月瑤臺去無
數紅雲夜不收

武夷秋景

陳元英

斑石濕餘蒼薛雨白雲收盡碧山風
杳頭歸鶴無人識門對寒梳霜葉紅

題武夷

王仲敬

紫簫石磴和雲吹白鶴松巢帶露樓
九曲洞門無鎖鑰一溪春水出來遲

遊武夷

裴守中

我生分得仙山境洗淨塵緣萬慮空
三十六峯天一碧橫琴高坐聽松風

武夷

丁希賢

點易硯承松葉露卧雲軒
貯桂花風幔亭鐵笛人何許
日照扶桑樹影紅

遊武夷

唐仲實

乘鸞遠訪武夷君
瑞氣凝成五色雲
落盡碧桃春似水
紫簫敲裏立斜暉

題武夷權歌圖

明葉銘

曾孫宴罷幔亭空
清碧溪山入畫中
攜酒幾回遊九曲
權歌猶說紫陽翁

題畫武夷圖

胡漢

武夷形勝一蓬萊
山下停舟幾往回
未盡平生遊覽興
雲

緣寫入畫圖來

泛舟漫興二首

蘇伯厚

笑入松門鶴筆迎山靈好客更多情西風一路桂花雨才

上仙舟便放晴

表推生山志誤作何其
漁茲從楊恒叔志改正

九曲深藏古洞天道人邀我上溪舡沿流指示神仙窟梅

住塵寰五十年

九曲泛舟

林 聰

巖花洞草幾春秋九曲春光曲曲幽酒盡興闌歸去晚野

航載月任中流

泛九曲

戴八 珊

一權東風九曲溪眼前色色可留題山靈似與人心會積
雨初收日未西

題武夷圖

沈周

碧水丹山映杖藜夕陽猶在小橋西微吟不道鷺溪鳥飛
入幔亭深處啼

泛舟九曲

羅倫

紫霞初曙綵雲飛碧水丹山曲曲奇一棹烟波看不盡扁
舟何用五湖歸

遊武夷二首

孫一元

武夷山高秋意涼雲陰半落松桂蒼青壁無人沿月上闌

舟放歌溪水長

野鶴照衣來清澗山樹開花留白雲他日移居溪水上道
衣同拜武夷君

遊武夷

劉堯海

六六峯頭明月多美人隔水奏雲和相逢却是人間路翠
黛芙蓉奈爾何

七曲

蕭顯

水漲溪流沒石灘兩山排闥最宜看扁舟搖過松陰下萬
壑濤聲六月寒

武夷

莊一俊

轉徑入山洞自斜碧桃時結千年花東風散與游人醉鐵
笛飄來四五家

武夷

馬本初

碧水丹崖鎖翠烟仙人遺跡尙依然停車欲向山中宿祇
恐人間歲月遷

泛武夷九曲

區玉

石屏忽轉又逢灘當面青山取次看黃鳥隔林啼不斷滿
溪雲氣濕衣寒

遊武夷

鄭綱

沙明水碧武夷溪仙子眞君跡已迷若道長生有眞訣不

應函骨壘金雞

武夷

黃宗器

曲溪古洞白雲深
控鶴仙人昔此臨
丹竈九還何處覓
幔亭涼月度清吟

武夷夜泛

陳經邦

半輪明月掛峯頭
萬點玻璃散碧流
月下仙源深幾許
桃花有路引漁舟

九曲泛舟

沈仕

風曳丹霞影倒飛
天開峻壁曉生輝
舟行似覺銀河水
漾動雲邊織女機

山居

汪三寶

幔亭峯下寒雲外
流水飛花送小舸
夜宿山房清不寐
紫簫吹徹月華高

題武夷

戚繼光

一劍橫空星斗寒
甫隨平北復征蠻
他年覓取封侯印
願

向君王換此山

此詩書於冲佑觀三清殿壁
著云趙趙都人書以記之

遊九曲

汪天寵

丹崖翠壁幾重重
十里溪山九曲通
一笛秋風牽短棹
自雲深處覓仙蹤

訪和叔羽士不遇

徐燭

一去雲游消息稀，碧牕塵滿舊霞衣。
不題名姓言相訪，到處爲家未必歸。

題武夷

傅汝舟

一劍多年別洞庭，九溪伴鶴宿孤亭。
相逢莫話還丹事，只看仙山萬疊青。

武夷訪周羽士

徐廷壽

百尺雲頭占一峯，客來峯頂覓高蹤。
仙家賸有青精飯，不用游人裹宿春。

初晴上武夷

謝杰

半夜天風掃祝融，山靈催日上瞳矓。
仙人掌上參差見，三

十六片金芙蓉

九曲晚泛

趙善政

扁舟載酒溯清流九曲琪花映水幽陣陣香風天外至一
鈞新月碧山頭

泛舟過四曲

徐子隆

金雞洞口更停舟九曲溪山此最幽昨夜峯頭雲氣濕一
番春雨漲清流

武夷阻雨

國朝王頊齡

爲爰名山結伴遊武夷勝處卽瀟洲東君有意留人醉閉
遣風雲護酒籌

蘇東坡詩集卷之四

送友任武夷

范曄釋

披襟人是晉東西
新綰銅章 御墨題不羨君官羨君地
放衙十里武夷谿

武夷

韓奕

九曲溪邊一葉浮
白雲紅樹足清幽
自憐不及玄真子
綠箬青蓑伴野鷗

武夷偶興四首

李如龍

洞天深處不猶人
山夾清流曲曲新
結得一亭峯頂上
入溪半里隔風塵

漁舟漸入武夷灘
鐵嶂同亭倒影看
昔斷虹橋誰再續
長

生不覺悞儒冠

託身猶喜白雲深何事行行澤畔吟鄰曲雞鳴驚昧旦湖
洞難遣楚湘心

壑船停棹幾乾坤劫運滄桑有去存甲子下元休屈指扁
舟不見渡王孫

武夷雜咏

陳遜

霞衣掩映亂峯間聞道虹橋賜宴還分得瑤花千萬朵卧
龍潭上弄潺湲

危橋斷棧絕崢嶸跣足緣空躡霧登石洞筓筴深百尺有
人尸解瘦如藤

松影參差竹影兼
峯巒當戶瀑當簷
手拋仙籙磻壇上
控鶴歸來醉黑甜

夜檢昇道玉簡書
何人乘鹿似馮盧
月門曲曲峯峯見
毛女吹笙約二魚

武夷漫興二首

胡炎

丹梯百丈掛雲門
尺五天高青可捫
劈破琅玕成老石
當年曾共見曾孫

棹轉溪廻生面開
此峯竟作別峯猜
雲堆石路迷山脚
忽聽雞聲縹緲來

武夷懷舊

方璵

紺宮碧殿掩朱霞，知是立元帝子家。昔日種桃人不見，空餘古木挂藤花。

贈顧子榮居武夷下城高

臧眉錫

胸中丘壑原無價，筆底烟霞自有神。獨占武夷最勝處，問松堂畔謫仙人。

和戚南塘武夷宮題壁

潘耒

玉帶金魚事等閒，洞天咫尺在人間。數椽隨處堪投老，何必君王賜此山。

武夷山訪隱士不值

樂溲

撲面秋風入翠微，黃花深鎖白雲扉。道人採藥知何處，消

息今朝歸不歸

郊行過武夷三絕句

倪煒

碧溪水共曲流通兩岸青山景不同
一棹乘風客與去武陵疑在武夷東

放舟

仙宮息駕雨沉沉濕霧瀰漫疊嶂深
一上高樓頻眺望河萬里繫鄉心

武夷宮阻雨

海底珊瑚鐵網遺冥鴻還舉欲何之
武夷又見高人宅風雨西窗細論詩

同草堂坐談

遊武夷雜咏五首

吳來聘

武夷仙跡耀山林巖聳溪迴水色清
欲借虹橋雲漢上幔

亭彷彿有歌聲

也向溪邊望架船當年停棹竟年年桑田此際難辨昔舟
揖還須濟巨川

大隱山高水更深遠絕洙泗惠儒林先生精舍千年重布
聖長昭萬古心

爲爰桃源小澗灣石崖相倚作玄關遊人登覽驚無路雲
去雲來意自閒

曲曲溪村景自然徵君遯跡寄平川風流尙許前徽續不
比人間隔洞天

遊武夷五首

朱璣

邀朋緩步上蓮峯，雲鎖寒烟翠幾重。
石鼓催花春逸興，夜來殘月透青松。
敬子峯

曾聞三友隱山顛，沉醉携筇訪故仙。
曲徑幽深人跡少，嗷嗷仙犬吠雲邊。
三隱臺

歷盡崎嶇上碧霄，陰陰古洞架虹橋。
蟠桃未熟龍團美，七碗風生興自饒。
碧霄洞

探春又復上天遊，步步青雲足下留。
一覽臺高峯自下，王維應悔卧滄洲。
天遊峯

天遊遊遍下天臺，古木青青長翠苔。
風景箇中誰得似，門前幾樹碧桃開。
天臺峯

登大王峯主人未遇壁間懸鏡客至自照

李鎬四首

第一峯腰半劈開登臨眺覽幾徘徊
客中雖值主人去鏡裏却逢知己來

登天遊一覽臺次壁間韻

結宇山巔浮半空羣峯雜列一帷中
最憐玉女深閨韻綉首歛容不出宮

登鼓子峯

林間禪寂鼓聲細天際峯高眼界寬
到此一空塵事成不用煉金丹

遊香水寺

離星村市五里在九曲外

市遠禪心偏覺靜
茶清泉水亦生香
莫言平地無
與來遊味轉長

詩餘

遊武夷

江城子

宋李綱

武夷山裏一溪橫
晚風清
斷霞明
行至晞真館
下月華生
仙跡靈蹤知幾許
雲縹緲
石崢嶸
羽人同載小舟輕
玉壺傾薦芳馨
酣飲高歌時
作步虛歌
一夢遊仙非偶爾
同棹遠翠烟凝

又念奴嬌

劉清夫

亂山深處見寒梅
一朵皎然如雪的
隙妍姿羞半吐
斜映小窻幽絕
玉染香腮酥凝冷
艷容態天然別
故人花誰肯輕折
疑是姑射神仙
幔亭宴罷迤邐

此溪山供嘯咏飽玩洞天風月萬石叢中百花
爭高潔粗桃俗李不須連夜催發

又水調歌頭

覃懷高

翠巖插雲表初意隔仙凡隨風據案一見邂逅似開顏幾
欲拿舟九曲便擬捫叅絕頂直下俯塵寰聊此稅吾駕
得片時閒問仙人緣底事去不還長風浩浩何許清夢
杳難攀只有蒼烟古木好在清湍白石依舊畫圖間回首
武夷路窮靄沒雲鬟

同友人尋武夷之勝

水調歌頭

元羅慶

雨晴山發翠溪淨水拖藍閑來共陪杖屨邂逅已成三齒

齒清泉白石步步碧桃翠竹在處輒幽探行到釣臺下怪
樹蔭空潭 踏芳洲尋別館屐屨巖壺天日月不老雲氣
滿東南沽得一樽濁酒喚取山花溪鳥聽我醉中談共日
再過此端爲解征驂

又前調

唐仲實

武夷最佳處晴氣碧於藍遠瞻崖壑溪曲六六與三三莫
問塵生滄海休嘆鶴歸華表好景且容探鐵笛破龍睡黑
雨滯深潭 笑神仙留蛻骨罔空巖幾人踴躍不遇太史
滯周南最好檀塲老子筆底文章如許何必事清
桃花下白馬稅飛驂

遊武夷臨江仙○二胡

何

山下清溪溪上渡舟過九曲皆奇諸峯羅列翠屏

今聞花花木昔瑤池念念神仙無覓處洞天留在霞祠
從教猿鶴咲吾癡還山非不樂未忍負明時

夢寐武夷仙島上一來欲浣羈愁山靈何事厭人遊白雲
生洞口微雨暗溪頭顧我平生非俗客豈冠此日清流
好將仙籍姓名收他年勳業了準擬上菟裘

秋半久武夷山金縷系

鄭 夔

秋半虹橋路是會孫幾塵風幸

人生一世釋曰一劫道曰一塵

此生奇遇

天上人間同宴集仙樂風飄處處遍紛郁非烟非霧光近

玉皇顏咫尺共歡呼
鼉鼓震霄高會散
碧雲暮至余
瑞鶴猶能舞幾千年
同亭祠下賽神簫
鼓再拜乞靈三食
酒小駐霓旌容與半
隱約如傳好語爲
送維魚來入夢
向龍潭時灑紛紛雨
齊和曲踏歌去
聽賓雲遺曲

武夷書懷

沁園春

章 凱

過了秋風梅花漸開
山人好歸問近來何事
半成迂濁半
添疎懶半帶憨癡
學劍不成學書無味
却要尋仙訪武夷
這些一事莫相忒
煞恐是難爲
分明說與人知
老谷子胸中事
儘奇有真爐道
禹龍盤虎繞
真離真坎
兔走辨數祿
山中穩坐却向無
中生箇兒休輕笑看

有來時

題太虛巖

蝶戀花

明邱

古壑流連尋趣步
浙瀝泉飛寒石留雲護
數椽曲房羅翠
霧幽懷可是人能悟
風月江山懸客慕
爲惜芳年聊取
柔腸付從昔金蘭多陌路
而今管鮑休相誤

九曲湖游

鸞啼序

風朝

吳應聘

攬勝與懷泛扁舟
武夷溪曲萬年宮
古木蕭森掩映水光
澄綠空山裏
風簾泉聲幔亭嵐氣浮
幽谷湖流波蕩漾
且休把遊情促
翰墨巖前題詩石
畔買地營香國
亭亭玉女銷魂也
覽鏡臺春雲簇
又何羨華池初浴
洞口三盃醪

咲指那百丈巖懸仙家機軸 劍石分流釣磯橫砥潭水
清如玉仙井賦泉空歸去值龍卧方熟隱屏山雲平林烟
雨堪描寫米家一幅飛瀑溜崖殺斷積甍仙掌閒中記取
數古今遊人咲他風塵碌碌 鼓樓遺響隔石劫灰今已
成幻局何似白雲深處石鼓敲風天壺醉月無拘無束但
尋星渚訪桑麻渡草橋遍看松菊此便是桃源堪信宿無
煩更覓仙靈洞口迷津徘徊山麓

武夷懷古 多麗

碧霞天秋山處處鳴蟬憶幔亭當年簫鼓於今葛
幽澗底泉流碎玉高崖畔瀑瀉 弦禮斗壇空

只聽得鶴唳猿咽晦翁祠梁木其壞虎吊一淒

緇堂羽院過客尙流連 長嘆息舳藏深壑幾年

遷仰大王雄風未墜看玉女秀色堪憐鐵笛停吹金雞
唱虹橋飛斷白雲邊空遺却藥爐丹鼎曾見皇姥子騫務

短檝歌一曲也漫擬懷仙 此兩詞書于武夷宮御書閣壁
間姓名後記云時康熙壬戌余

年七十
有五

武夷山志卷之二十四終